

AUZITEGIAK. Tafallan manifestazioa egingo da bihar haien alde

Gutun bidez ABLEak salatu zituzten bost nafar epaituko ditu Entzutegi Nazionalak

Tafallako Udalak epaiketa Iruñeko Entzutegian egiteko eskatu du

Irene Arrizurieta | IRUÑEA

Foru Erkidegoko enpresariei eskutitzak bidaltzeagatik Entzutegi Nazionalan epaitu nahi dituzten Nafarroako bost lagunen aldeko manifestazioa egingen da, bihar, Tafallan. Mabel Paskual, Beatriz del Rio, Izaskun Baztan, eta Mikel Makaia tafallarren eta Natalia Jimenez Berriozarko auzokidearen aurka bost urteko espetxe zigorra eskatu du Entzutegi Nazionalak «etengabeko mehatxu terroristak» egitea leporatuta.

Carlos Divar Blanco Entzutegi Nazionalako Instrukzio Epaitegiaren 4. Aretoko epaileak daraman sumarioan bost urteko espetxe zigorra eskatu du fiskalak aurrean aipatu bost lagunentzako. Bost lagunei «etengabeko mehatxu terroristak» egitea leporatzen zaie. Akusatuak Tafallaldeko eta Iruñeko lau enpresariri ABLE (Aldi Baterako Lan Enpresak) bidez gazteak kontratatzeagatik eskutitzak bidali zizkieten.

Izkribuak Jarraik sinatuak zeuden, eta ABLE bidez kontratatzeak zer dakarren ohartarazteko bidali zituztela esan dute behin eta berriro. «Kontratazio modu horrek gazteentzat esploatazioa eta lan baldintza kaskarrak dakartzatela esan genien enpresariei eskutitzetan», azaldu dute. Ildo honetan, epaiketa Madrilgo Entzutegi Nazionalan egin beharrean, Iruñeko Entzutegian egiteko eskatu dute. «Entzutegi Nazionalen terro-

DONOSTIA

Hiru gazteri epaiketa, kartelak jartzeagatik

Datorren asteartean Donostiako epaitegian Asier Tapia, Aitor Mokoroa eta Ainhoa Kintana gazteak epaituko dituzte, mehatxu delitua leporatuta, ABLE baten aurkako kartel batzuk jartzeagatik. Karteletan «Gazteon indarrak Code itxiko dugu» jartzen zuen, eta Jarraien sinadura zeraman. Gazteek beti ukatu dute kartelak mehatxugarriak izatea, eta beraien hitzetan ABLEen kontrako jarrera azaltzen dute soilik, izan ere, «esploatazioa bultzatzen» dute.

AABk fiskalak hartu duen jarrera salatu du, azken honek «egiazkoak ez diren hainbat baieztapen» egin dituelako, eta beraien hitzetan honek guztiak «justiziaren fartsa eta adierazpen askatasunaren errespetu eza» erakusten dituelako.

rismo delituarekin zerikusia duten gaiak epaitzen dira, eta guk ez dugu horrelako delituri egin», ohartarazi dute.

Mikel Maia akusatuetakoa baten dio ez dutela ukatzen eskutitzak bidali dituztenik. Dena dela, ez dute onartzen «terroris-

mo akusazioa, ez eta gertaerengatik bakoitzarentzako bost urteko espetxe zigorra eskatzea».

Tafallako Udalaren eskaera

UPNk gehiengo duen Tafallako udalak ere aho batez eskatu zuen gazteak Iruñean epaituak izan daitezen. Iragan maiatzaren 29an egindako udalbatza berezian, Tafallako Udalak aho batez erabaki zuen herriko lau gazteak Nafarroan epaitzeko eskatzea. PSNk egin eskaera aho batez onartu zuten zinegotziek (UPNko 7, Juan Valero alkatea barne, PSNko 5, EHko hiru, eta EA eta IUNB-NEBko bana).

Akusatuak Udalaren jarrera aipatu dute. Valero alkatearekin ere behin baino gehiagotan bildu direla esan dute. «Alkateak eta PSNko zinegotziek argi eta garbi esan digute eskutitzetan ez dutela terrorismo delituaren zantzurik ikusten», azpimarratu dute akusatuak.

Alta, alkatearekin izandako beste bilera batzuetan «presioak izaten ari zela» esan ei zien, eta egoera gehiago «luzatzen jarraitzen bagenuen korda hautsi egingen zela». Akusatuak erantzun zioten «gure bizitzaren bost urte jokoan zeudela, eta berak espetxeratuak ez girela izaneren erantzun zigun», gaineratu dute. Egin duten galdera da UPNko alkateak eurek baino informazio gehiago duen. «Informazio gehiago badu, hura helaraztea nahi genuke sofrikario honekin bukatzeko».

renok deklarazioa hartuko die Bizkaiko zazpi gazteri datorren asteartean, eta beste bosti uztailearen 7an. Ismael Morenok Bilboko instrukzio epaileari agindu dio gazteei deklarazioa hartzeko.

Amnistiaren Aldeko Batzordeak adierazi dute kontzentrazioan izan ziren gazte gehiago ere ari direla Madrilera deklaratzera joateko zitazioa jasotzen.

AABek Ertzaintzaren «jarrera errepresiboa» salatu dute. «Euskal gazteriarren aurka zuzenean jotzeaz gain, Ertzaintzak ez du inolako arazorik ikusten euskal gazteak Madrilera bidean jartzeko», gaitzetsi dute AABek.

LABURREAN



JUAN HERRERO/EFE

Suak erakustokiko autoak kiskalita utzi zituen.

Donostiako auto kontzesionario bati su eman diote eta 50 milioi pezeta inguruko kalteak eragin

Donostiako Loiola auzoan dagoen Peugeot auto kontzesionarioari ostiral goizaldean su eman zioten. Ertzaintza eta suhiltzaileak bertaratu arren, sua berehala zabaldu zen lantegian barrena, eta kalte material ugari eragin zituen. Enpresaren jabearen arabera, 40 edo 50 milioi pezeta ingurukoak izan dira kalteak. Suak erakustokian zeuden bi auto kiskali zituen, eta beste bi kaltetu, eta horrez gain garajearen zeuden altzariak eta hainbat lan tresna ere kaltetuak izan ziren. Lantegiaren egoera ikusita, jabeak adierazi zuen «zaila» izango dela berriro ere lantegia berreraikitzea.

ERCK hartu du Knörrek Europako Parlamentuan utzitako eserlekua

EAKo idazkari nagusi Gorka Knörrek legebiltzarkide hautatu ostean Europako Parlamentuan utzitako eserlekua ERCKo ordezkari Miquel Mayolek hartu zuen. Bi alderdiak batera aurkeztu ziren 1999eko Europako Parlamentuko hauteskundetara, eta lehen Knörrek egin bezala, orain, Mayolek EAren proposamenak defendatuko ditu European.

Juan Karlos Estevez euskal presoak aske utzi dute

Juan Karlos Estevez euskal presoak aske utzi zuten atzo. 1999ko apirilean 29an Frantzia zigorra beteta Espainiara kanporatu zuten, eta ordutik ez diote epaiketarik egin, ezta luzapenik eskatu ere. Legearen arabera horrela gehienez 2 urte egon daiteke, beraz, apiriletik kalean egon behar zuen. Hala ere, astelehenean Entzutegi Nazionalan aurkeztu beharko du.

Joseba Sein Martutenen espetxeratu dute Entzutegi Nazionalak jarritako espetxe zigorra betetzeko

Joseba Sein Martutenen espetxeratu zuten, atzo, Entzutegi Nazionalak jarritako sei urteko espetxe zigorra betetzeko. Iragan asteazkenean epaitegiak Sein espetxeratzeko agindua eman zuen, eta atzo Donostiako Guardia epaitegian aurkeztu zenean Martuteneko espetxera eraman zuten. Espetxeratzeko salatzeko, hainbat lagunek «Muntaia polizialik ez. Joseba etxean nahi zaitugu» pankarta Guardia epaitegiaren parean jartzean ertzainak kanpora atera eta istiluak izan ziren.

Madrilen deklaratu beharko dute Haikaren kontzentrazio batean izan ziren 12 gaztek

Erredakzioa | BILBO

Ertzaintzak zuzenean Madrilgo Entzutegi Nazionalera igorri du legeztatutako kontzentrazio batean parte hartu zuten gazteen auzia.

Haika gazte erakundeak deituta, martxoaren 3an elkarretaratzeak egin ziren Euskal Herriko hainbat epaitegiaren aurrean, gazte ekimenen kriminalizazioa salatzen. Aldez aurretik kontzentrazioak izan-

go zirela adierazi zion Haikak Ertzaintzari, legeak ezarritako baldintzak betez. Bizkaiko Entzutegi Probintzialaren aurrean *Faxistak, utzi bakean euskal gazteria* lelopean egin zen kontzentrazioa, eta Ertzaintzak identifikatzeko eskatu zien han bildutakoei. Gero atestaturak egin zuten, gazteek eginiko oihuetan «irainak eta mehatxuak» izan zitezkeela argudiatuz.

Horren ondorioz, Entzutegi Nazionalako epaile Ismael Mo-